

Ku nyenga lokunene



Siku rin'wana nimadyambu hi nkarhi wa ximumu, muhlayisi wa ntanga wa swiharhi u lotlerile tikheji ta swiharhi hinkwaswo loko a nga si famba a ya ekaya.

"Swiharhi mi etlela kahle, ndzi ta mi vona mundzuku nimpundzu," a vula a ri karhi a lotlela kheji ya mfenhe.

"Na wena u etlela kahle," ku hlamula Nkulukumba N'wamfenhe, a ri karhi a koka makhiya hi vukheta ebandini ra muhlayisi wa ntanga wa swiharhi.

"Ndzi karhele ngopfu," ku vula muhlayisi wa ntanga wa swiharhi. "Ndzi tsakisiwa hi mhaka ya leswaku i nkarhi wo ya ekaya. Ndzi twandlala naswona ndzi hatlisele ku ya dya swo lalela na ndyangu wa mina."




Loko muhlayisi wa ntanga wa swiharhi
a ha ku suka a ya ekaya, Nkulukumba
N'wamfenhe u fambile hi tikheji a
khiyulula gede yin'wana na yin'wana.


"Xewani Manana N'wampfuvu," a vula,
"Humela ehandle, i nkarhi wa ku va na phati!"

"Ri perile, Nkulukumba N'wanghala," ku vula
N'wamfenhe, "Humela ehandle, i nkarhi wa
ku va na phati!"

Swiharhi swi vulavula hi ntsako mayelana
na ku huma ka swona entangeni wa
swiharhi.


Tinkawu hi tona to sungula ku nyenga.
Makumembirhi nharhu ya tona ti tlurile
darata ya ntanga kutani ti kongoma
ephakeni.





Tinkawu a ti tsakile loko ti kuma tafula
leri lulamiseriweke xinkhubyana xa siku
ra Jabu ra ku velekiwa eka siku leri
landzelaka. Tinkawu ti dyile swakudya
hinkwaswo swa xinkhubyana.

Ti tlangile eka vhilwa ro rhendzelekisa
na le ka michinginyo.



Hi nkarhi wolowo, murindzi wa
phaka a pfuka evurhongweni.
A hlamarisiwile hi ku vona
makumbembirhi nharhu wa timfenhe
ti tlanga ephakeni. "I ntiyiso leswi
ndzi swi vonaka?" a tivutisa.

Le ntangeni wa swiharhi, Tessa
N'waxibodze a ha nanayila a
kongomile gede ya ntanga.

"Yoo mhane!" ku ehleketa Tessa.
"Heyi! Lowu i ntirho wo tika. Ndzi
vona wonge swa antswa ku tshama
entangeni wa swiharhi ndzi wisá."

Xibodze xa 100 wa malembe a
xi karhele ngopfu leswaku xi nga
landzelela swiharhi swin'wana.



Hilda N'wampfuvu u sukile entangeni wa swiharhi kutani a tifambafambela epatwini lerikulu.

U hlamarisiwile hi pongo leri a ri vangiwa hi swifambo. A ku ri na pongo swinene! U sukile a ya etlela exihlobyen'i lexi a ri emahlweni ka holo ya doroba, kambe a tshamela ku pfuxiwa hi mipfumawulo ya tihutara na tialamu ta swifambo swa mpfuno wa xihatla.



Leo N'wanghala a fambafamba
exitarateni a lava swakudya. Xana a
ta dya yini?

A hlometela esupamakete. "Pfunani!
Pfunani!" ku cema vaxavi.

"Pfunani, pfunani!" ku huwelela
mufambisi eriqinghweni.

"Ku na nghala endzeni ka vhengele!
I ntiyiso!" a hlamusela.




Felix N'wandlopfu a ri wo hetelela
ku huma entangeni wa swiharhi.
U tifambafamberile a hundza hi le
dorobeni.

Loko a ri karhi a famba, Felix u
vonile yindlu yi ri karhi yi tshwa. U
tswongile mati exidan'wanini kutani
a wa haxa endlwini. Hi nkarhinyana
ndzilo a wu timekile.

"U tirhile swinene Nkulukumba
N'wandlopfu!" ku huwelela
vatimelandzilo.

"Huree!" ku hoyozela vahlaleri.



Felix u yile emahlweni na rendzo ra yena
ro hundza doroba a ya emugangeni.


U vonile Ntebo a huma enambyeni. A
kayakaya no rhwala bakete ra mati.

"Ndzi tshamela ku halata mati," ku vula
Ntebo.

"U nga vileli, ndzi ta pfunu ku rhwala
mati," ku vula Felix.

U tlakule Ntebo a n'wi veka enhlaneni
wa yena kutani a tswonga mati yo
ringanelu ku tata thangi ra mati.








Hi nkarhi wolowo, Jerry
N'wanhutlwa a tifambafambela
kahle a kongome layiburari. U
hlometerile hi fasitere ra bazi.

"Tivonele!" ku huwelela muchayeri
wa bazi.



Hi nkarhinyana muhlayisi wa ntanga
wa swiharhi na vapfuni va yena a va
ri ku laveni ka swiharhi. Maphorisa na
wona a ya tile ku ta va seketela.

Tinhlokomhaka ta maphephahungu
na mahungu ya rhadiyo a swi
lemukisa vanhu hi nghala leyi a yi ri ku
fambafambeni endzeni ka vhengele.



Kutani swiharhi hinkwaswo swi teka xiboho
xo tlhelela entangeni wa swiharhi.

"A swi olovi ku kuma swakudya edorobeni,"
ku vula N'wanghala.

"A ndzi swi koti ku etlela hi pongo ra
swifambo," ku vula N'wampfuvu.

"Swi fana na khwati edorobeni," ku vula
N'wandlopfu.



"Hi tiphinile swinene exinkhubyaneni
kambe hi karhele, hi lava ntsena ku
tlhelela ekaya," ku vula tinkawu.

Nkulukumba N'wamfenhe, loyi a khomile
makhiya, u pfurile gede leswaku swiharhi
swi kota ku nghena endzeni ka ntanga wa
swiharhi.

"Yoo, sweswi ndza swi tiva leswi humelege
makhiya ya mina!" ku vula muhlayisi wa
ntanga wa swiharhi.

Migingiriko ya ku hlaya hi mitlawa



1

- Languta swifaniso.
- Byela munghana wa wena leswaku ku humelela yini eka xifaniso xin'wana na xin'wana.
- Hlamusela munghana wa wena ndzandzelelano lowu swifaniso swi faneleke ku wu landzelela, ku suka eka xo sungula ku fika eka xo hetelela.
- Tlhela u hlamusela munghana wa wena xitori u tirhisa swifaniso.
- Byela munghana wa wena loko u tsakerile kumbe u nga xi tsakelangi xitori. Seketela nhlamulo ya wena.



2

Encenyetani xitori.



3

Pananisa xihlambanyiso na xiharhi lexi faneleke.



Nhamu ku leha
wonge i

Ku nonoka wonge i

Ku yiva wonge i

Makovo wonge i

Matimba wonge i

Ku tlhariha wonge i

Ku rivala wonge i

Ku kula wonge i



rimpfana

mfenhe



nghala

huku

ndlopfu

nhutlw

mpfundla



4


Hlamulani swivutiso na munghana wa wena hi ku vulavula ntsena.

- I yini nhlokomhaka ya xitori lexi?
- I vamani swimunhuhatwankulu eka xitori lexi?
- Hi swihi swiharhi leswi tiphineke swinene?
- Hi xihi xiharhi lexi u xi rhandzaka ngopfu? Hikwalaho ka yini u vula sweswo?
- U ehleketa leswaku a ku ta va ku humelele yini loko swiharhi a swi nga tlhelelangi entangeni wa swiharhi?



5

Tlhela u dirowa mepe wa miehleketo
ebukwini ya wena ya switoloveto
kutani u wu hetisa hi ku tsala.



Swimunhuhatwankulu:

Ku humelele yini eku
sunguleni?



Nhlokomhaka:

Ku humelele yini
exikarhii?

Ku humelele yini eku
heteleleni?



6

Tirhisa mepe wa wena wa
miehleketo ku ku pfuna ku tsala
xitori hi marito ya wena.
Tsala 6-8 wa swivulwa.

